

庚申孟春

歷代咏物詩選

上海進化書局印行

咏物詩選總目

魏塘俞 琰長仁輯

卷第一

天部九十二首

歲時部一百二十三首

歲時部附錄十二首

卷第二

地部六十一首

山部五十首

卷第三

水部六十六首

居處部九十八首

寺觀部二十九首

卷第四

人部四十一首

麀人部七十三首

文部二十七首

武部二十七首

卷第五

樂部五十一首

樂部附錄三首

巧藝部三十一首

器用部一百四首

襟玩部十二首

卷第六

玉帛部十六首

冠服部二十七首

飲食部三十五首

菓部三十三首

穀部八首

蔬部十二首

卷第七

花部一百三十一首

花部附錄五首

木部四十一首

木部附錄八首

草部二十二首

卷第八

禽部七十五首

獸部三十二首

鱗部十一首

介部五首

水族襟部四首

昆蟲部三十九首

咏物詩選卷第二目錄

魏塘俞 琰長仁輯

地部

城

唐李嶠

長城

唐汪遵

洛陽城

唐許渾

城上

唐杜甫

登杭州城

唐鄭谷

出郭

唐杜甫

市

唐李嶠

天街

唐秦韜玉

道

唐李嶠

洛陽道

唐于鄴

長安道

明商輅

大道曲

晉謝尚

蜀道難

唐張文琮

穆陵路

唐陳存

西郊

唐杜甫

春郊

唐錢起

郊野

唐鄭谷

郊野

唐鄭谷

初夏郊行

宋陸游

白草原

唐李頎

春村

唐白居易

山村

宋蘇軾

春日江村

唐杜甫

暮過山邨

唐賈島

咏物詩選

卷二 目錄

一 建元書局印行

游山西村

宋陸游

村居書喜

宋陸游

江村即事

唐司空曙

鄉村即事

宋范成大

稻田

唐韋莊

野田

唐張籍

野

唐李嶠

野望

隋王績

又

唐杜甫

又

唐杜甫

吳興新堤

唐朱慶餘

堤上行

唐張籍

又

唐張籍

秋岸

唐杜牧

橋

唐李嶠

出關

唐韋莊

題盤豆驛水館後軒

唐韋莊

題黃花驛

唐薛逢

烏衣巷

唐劉禹錫

塞上

唐司空圖

塞上曲

唐王烈

塞下曲

唐常建

邊上

唐張泌

古戰場

唐竇庠

金陵

唐許渾

過秦始皇陵

唐許渾

燕昭王墓

唐羅隱

題蘇小小墓

唐張祜

和人題真娘墓

唐李商隱

題朱買臣妻墓

明方孝儒

過亡友墓

唐馬戴

漂母墳

唐羅隱

蔡中郎坟

唐溫庭筠

邨塚

唐沈佺期

青冢

唐杜牧

焚書坑

唐章碣

塵

唐張說

山部

山

唐李嶠

遠山

元張秦娥

秋山極天淨

唐朱延齡

山居即事

唐王維

題友人山居

唐戴叔倫

山行

唐戴叔倫

又

唐項斯

又

唐盧綸

又

唐杜牧

登太山

元張養浩

華山

唐鄭谷

又

宋寇準

衡岳

明傅汝舟

送友人游嵩山

唐陳羽

游鐘山

宋王安石

登石鐘山望廬山

明張治

金山

明王永叔

終南山

唐王維

茅山

唐杜荀鶴

茅山道中

唐趙嘏

詩

卷二 目錄

二 進北諸葛印行

望天門山

唐李白

送齊山人歸長白山

唐韓翃

宿石邑山中

唐韓翃

高景山夜歸

宋范成大

早發定山

梁沈約

經麻姑山

唐劉滄

天平山中

明楊基

虎邱咏

明黃省會

巫山高

唐李端

峽中

唐盧象

蚤發天台中巖寺渡關嶺次天姥岑

宋謝靈運

中峰

唐許渾

登石門最高頂

宋謝靈運

中峰

宋林逋

雲際中峰

唐李端

登嶺望

唐許鼎

度大庾嶺

唐宋之問

西巖

宋余靖

夏日登鶴巖

唐戴叔倫

題合溪乾洞

唐于鵠

駱谷晚望

唐韓琮

登江中孤嶼

宋謝靈運

假山

唐杜甫

又

唐鄭谷

和人假山

宋蘇軾

太湖石

唐白居易

省試昆明池織女石

唐童漢卿

望夫石

唐李白

西施石

唐樓穎

石灰

明于謙

咏物詩選卷第二

魏塘俞琰長仁輯

地部

城

唐李嶠

四塞稱天府三河建洛都飛雲鵲層闕白日麗南隅獨下仙人鳳羣鸞御史烏何辭一萬里邊徼捍匈奴

長城

唐汪遵

秦塞長城比鐵牢蕃戎不敢過臨洮雖然萬里連雲際爭及堯階三尺高

洛陽城

唐許渾

禾黍離離半野蒿昔人城此豈知勞水聲東去市朝變山勢北來宮殿高鴉噪暮雲歸故堞雁迷寒雨下空濠可憐絳嶺登仙子猶自吹笙醉碧桃

城上

唐杜甫

草滿巴西綠空城白日長風吹花片片春動水茫茫八駿隨天子羣臣從武皇遠離宮出巡狩蚤晚過遼荒

登杭州城

唐鄭谷

漢漢江天外登臨近照閣潮來無別浦木落見他山沙鳥晴飛遠漁人夜唱聞歲窮歸未得心逐片帆還

出郭

唐杜甫

霜露晚淒淒高天逐望低遠烟鹽井上斜景雪峰西故國猶兵馬他鄉亦鼓鼙江城今夜客還與舊鳥啼

市

唐李嶠

闌闌開三市旗亭起百尋漸離初擊筑司馬正彈琴細柳龍鱗映長槐兔月陰徒知觀衛玉詎肯挂秦巾

天街

唐秦韜玉

九衢風景盡成新獨占天門近紫宸寶馬競隨朝暮客香車爭碾古今塵煙光正入南山已氣勢遙連北闕春莫見繁華祇如此暗中時換往來人

道

唐李嶠

銅駝分鞏洛劍閣抵臨邛紫微三千里青樓十二重玉關塵似雪金穴馬如龍今日中衢上堯樽更可逢

洛陽道

唐于鵠

浮世若浮雲千回故復新旋添青草塚更有白頭人歲暮客將老雲晴山欲春行行車與馬不盡洛陽城

長安道

明商輅

層城迢遞入雲賒處處春風面面花長樂鐘聲催漏箭新豐樹色擁行車歌姬舞榭留明月貴主粧樓結綺霞日暮香塵連九陌鑾輿傳幸五侯家

大道曲

晉謝尚

青陽二三月柳青桃復紅車馬不相識音落黃埃中

蜀道難

唐張文琮

梁山鎮地險精石阻雲端深谷下寥廓層巖鬱磴盤飛梁駕絕巔棧道接危巖攬轡獨長息方知斯路難

穆陵路

唐陳存

西游匣長劍日暮湘楚間歇馬上秋草逢人問故關孤村綠塘水曠野白雲山方念此中去何時此路還

西郊

唐杜甫

時出碧雞坊西郊近草堂市橋官柳細江路野梅香傍架齊書帙看題減藥囊無人覺來往疎懶意何長

春郊

唐錢起

水遶永渠漸有聲氣融煙塢晚來明東風好作陽和使逢草逢花報發生

郊野

唐鄭谷

蓼水菊籬邊新晴有亂蟬秋光終寂寞晚醉自留連野濕禾中露村間社後天題詩滿紅葉何必浣花箋

郊墅

韋曲樊川雨半晴竹莊花院徧題名畫成烟景垂楊色滴破春愁壓酒聲滿野紅塵誰得路連天紫閣獨關情漾陂水色澄於鏡何必滄浪始濯纓

初夏郊行

宋陸游

小硯孤吟恐作愁長堤曳杖且閑游破雲山湧千螺翠徑雨波涵一鏡秋鉅粧青紅村步市欄杆高下寺家樓去年今日君知否十丈京塵沒馬頭

白草原

唐李頎

白草原頭望京師黃河水流無已時秋天曠野行人絕馬首西來知是誰

春村

唐白居易

二月春園暖桑間戴勝飛農夫春舊穀蠶妾擣新衣牛馬因風遠雞豚過社稀黃昏林下
路笛鼓賽神歸

山村

宋蘇軾

竹籬茅屋趁溪斜春入山村處處花無象太平還有象孤煙起處是人家

春日江村

唐杜甫

農務村邨急春流岸深乾坤萬里眼時序百年心茅屋還堪賦桃源自可尋艱難味生
理飄泊到如今

暮過山村

唐賈島

數里聞寒水山家少四隣怪禽啼曠野落日恐行人初月末終夕邊烽不過秦蕭條桑柘
外烟火漸相親

游山西邨

宋陸游

莫笑農家臘酒渾豐年留客足難豚山重水複疑無路柳暗花明又一村蕭鼓追隨春社
近衣冠簡朴古風存從今若許閑乘月拄杖無時夜叩門

村居書喜

紅橋梅市曉山橫白塔樊江春水生花氣襲人知驟煖鵲聲穿樹喜新晴坊場酒賤貧猶

春上地部

三

卷之四

辭原野泥深老亦耕最喜先期官賦足經年無吏叩柴荆

江村即事

唐司空曙

罷釣歸來不繫船江邨月落正堪眠縱然一夜風吹去只在蘆花淺水邊

鄉邨即事

宋范成大

綠遍山原白滿川子規聲裏雨如煙鄉邨四月閑人少纔了蠶桑又插田

稻田

唐韋莊

綠波春浪滿前陂極目連雲擺絳肥更被鷺鷥千點雪破烟來入畫屏飛

野田

唐張籍

漠漠野田草草中牛羊道古墓無子孫白楊不得老

野

唐李嶠

鳳出秦郊迴鷄飛楚塞空蒼梧雲影去涿鹿霧光通草暗少原綠花明入蜀紅誰言版築
士猶處傳巖中

野望

隋王績

東皋薄暮望徙倚欲何依樹樹皆秋色山山唯落暉牧人驅犢返獵馬帶禽歸相顧無相
識長歌懷采薇

又

唐杜甫

清秋望不極迢遞起層陰遠水兼天淨孤城隱霧深葉稀風更落山迴日初沉獨鶴歸何晚昏鴉已滿林

又

西山白雪三城戍南浦清江萬里橋海內風塵諸弟隔天涯涕淚一身遙唯將遲暮供多病未有涓埃答聖朝跨馬出郊時極目不堪人事日蕭條

吳興新堤

唐朱慶餘

春堤一望思無涯樹勢還同水勢斜深映菰蒲三十里晴分城郭幾千家謀成既不勞人力境遠偏宜隔浪花若與青山常作對汀洲肯恨柳絲遮

堤上行

唐張籍

酒旗相望大堤頭堤下連樁堤上樓日暮行人爭渡急槳聲幽軋滿中流

又

江南江北望烟波入夜行人相應歌紅葉傳情竹枝怨水流無限月明多

秋岸

唐杜牧

河岸微退落柳影微凋疎船上聽呼櫓堤南趨澆魚數帆旗去疾一艇箭迴初曾入相思

夢因憑附達書

橋

唐李嶠

烏鵲填應滿黃公去不歸勢疑虹始見形似雁初飛妙應七星制高分半月輝秦王空構石仙島遠難依

出關

唐韋莊

馬嘶烟岸柳陰斜回首關山路轉賒到處因循緣嗜酒一生惆悵為看花危時祇合身無著白日那堪事有涯正是灞陵春草綠仲宣何事獨辭家

題盤荳驛水館後軒

極目晴川展畫屏地從桃塞接蒲城灘頭鷺占晴波立原上人侵落照耕去雁數行天際沒孤雲一點淨中生憑軒盡日不回首楚水吳山無限情

題黃花驛

唐薛逢

孤戍迢迢蜀路長鳥鳴山館客思鄉更看絕頂煙霞外數樹巖花照夕陽

烏衣巷

唐劉禹錫

朱雀橋邊野草花烏衣巷口夕陽斜舊時王謝堂前燕飛入尋常百姓家

塞上

唐司空圖

萬里隋城在三邊虜氣哀沙填孤嶂角燒斷故關碑馬色經寒慘鷓鴣聲帶晚悲將軍正閒
散留客換歌辭

塞上曲

唐王烈

孤城夕對戍樓間迴看曠萬仞山明鏡不須生白髮風霜自解老紅顏

塞下曲

唐常建

玉帛朝回望帝鄉烏孫歸去不稱王天涯靜處無征戰兵氣銷為日月光

邊上

唐張泌

戍樓吹角起征鴻獵獵寒旌背晚風千里暮烟愁不盡一川秋草恨無窮山河慘澹關城
閉人物蕭條市井空只此旅魂招未得更堪回首夕陽中

古戰場

唐竇庠

山斷塞初平人言古戰場水泉聲更咽陰火燄偏青月落雲沙黑風回草木腥不知秦與
漢徒欲弔英靈

金陵

唐許渾

玉樹歌殘王氣終景陽兵合戍樓空松楸遠近千官塚禾黍高低六代宮石燕拂雲晴亦
雨江豚吹浪夜還風英雄一去豪華盡唯有青山似洛中

卷二 地部

五

五

五

過秦始皇陵

龍盤虎踞樹層層勢入浮雲亦是崩一種青山秋草裏路人唯拜漢文陵

燕昭王墓

唐羅隱

戰國蒼茫難重尋此中踪跡想知音強停別騎山花晚欲弔遺墟野草深浮世近來輕駿
骨高臺何處有黃金思量郭隗平生事不徇昭王是負恩

題蘇小小墓

唐張祐

漠漠窮塵地蕭蕭古樹林臉濃花自發眉恨柳長深夜月人何待春風鳥自吟不知誰共
穴徒願結同心

和人題真娘墓

唐李商隱

虎邱山下劍池邊長遣游人嘆逝川冒樹斷絲悲舞席出雲清梵想歌筵柳眉空吐效顰
葉榆莢還飛買笑錢一自香魂招不得祇應江上獨蟬娟

題朱買臣妻墓

明方孝孺

青草池邊土一邱千年埋骨不埋羞丁寧囑向人間婦自古糟糠合到頭

過亡友墓

唐馬戴

憶昨送君葬今看墳樹高尋思後期者只是益生勞

漂母墳

唐羅隱

寂寂荒墳一水濱
蘆洲絕島自相親
青娥已落淮邊月
白骨甘為泉下塵
原上荻花飄素髮
道傍荻葉碎羅巾
雖然寂寞千秋魄
猶是韓侯舊主人

蔡中郎墳

唐溫庭筠

古墳零落野花春
聞說中郎有後身
今日愛才非昔日
莫拋心力作詞人

邱塚

唐沈佺期

北邙山上列墳塋
萬古千秋對洛城
城中日夕歌鐘起
山上唯聞松柏聲

青塚

唐杜牧

青塚前頭隴水流
燕山山上暮雲秋
娥眉一墮窮泉路
夜夜孤魂月下愁

焚書坑

唐章碣

竹帛烟消帝業虛
關河空鎖祖龍居
坑灰未冷山東亂
劉項原來不讀書

塵

唐張說

仙浦生羅襪
神京染素衣
碑山期益峻
照日映增輝
夕伴龍媒合
朝隨鳳輦歸
獨憐范甯下
思繞畫梁飛

山部

咏物詩選

卷二 地部 山部

六

進化書局印行

山

唐李嶠

地鎮標神秀
峨峨上翠氛
泉飛一道帶
峰出半天雲
古壁丹青色
新花綺繡紋
已開封禪所
布謁聖明君

遠山

元張泰娥

秋水一抹碧
殘霞幾縷紅
水窮雲盡處
隱隱雨三峰

秋山極天淨

唐朱延齡

雨洗高秋淨
天臨大野開
蒼龍清萬象
綠繞出層山
日落千峰上
雲消萬壑間
綠蘿霜後翠
紅葉雨來殷
散彩輝吳甸
分形壓楚關
欲尋霄漢路
翹首願登攀

山居即事

唐王維

寂寞掩柴扉
蒼茫對落暉
鶴巢松樹遍
人訪華門稀
綠竹含新粉
紅蓮落故衣
渡頭烟火起
處處採菱歸

題友人山居

唐戴叔倫

四郭青山處處同
客懷無計答秋風
數家茅屋青溪上
千樹蟬聲落日中

山行

山行分曙色
一路見人稀
野鳥啼還歇
林花墜不飛
雲還棲鶴寺
水濕釣魚磯
回首天將暮

暝逢僧話未歸

又

唐項斯

青樵林深亦有人一渠流水數家分山當日午回峰影草帶泥痕過鹿羣蒸茗氣從茅舍
出縹緲聲隔竹籬聞行逢賣藥歸來客不惜相隨入島雲

又

唐盧綸

登登山路何時盡決決溪流到處聞風動葉聲山犬吠幾家松火隔秋雲

又

唐杜牧

遠上寒山石逕斜白雲深處有人家停車坐愛楓林晚霜葉紅於二月花

登泰山

元張養浩

風雲一舉到天關快意平生有此觀萬古齊州烟九點五更滄海日三竿向來井處方知
隘今後巢窟亦覺寬笑拍洪崖咏新句滿空笙鶴下高寒

華山

唐鄭谷

峭仞聳巍巍晴嵐染近畿孤高不可狀圖寫盡應非絕頂神仙會半空鸞鶴歸雲臺分遠
靄樹谷隱斜暉墜石連村響狂雷發廟威氣中寒渭闊影外白樓微雲對蓮花落泉橫露
掌飛乳懸危磴滑樵徹上方稀淡泊生真趣逍遙息世機野花明澗路春蕓滋松園遠洞
時聞磬聲僧畫掩扉他年洗塵骨香火願相依

又

宋寇準

只有天在上更無山與齊舉頭紅日近回首白雲低

衡岳

明傅汝舟

扶桑枝上交王父七鳳車前謁羽君天際玉笙誰得弄時時吹起掌中雲

送友人游嵩山

唐陳羽

嵩山歸路繞天壇雲影松聲滿谷寒君見九龍潭上月莫辭清夜水中看

游鍾山

宋王安石

兩山松櫟暗朱藤一水中間勝武陵千梵隔雲和有寺夕陽歸去不逢僧

登石鍾山望廬山

明張治

廬岳亭亭翠萬重懸泉百尺挂飛龍石鍾山下江如鏡映出青天五老峰

金山

明王永叔

龜宅龍宮紫氣驕壯游南北倚青霄蜀江萬里來春水吳嶼千尋帶暮潮夾岸帆檣楊子
渡隔天雲樹廣陵橋臨流無限風塵思濁酒淋漓劍影搖

終南山

唐王維

太乙近天都連山到海隅白雲回望合青霤入看無分野中峰變陰晴衆壑殊欲投人處宿隔水問樵夫

茅山

唐杜荀鶴

步步入山門仙家鳥徑分漁樵不到處麋鹿自成羣石面迸流水松頭穿亂雲道人星月下相次禮茅君

茅山道中

唐趙嘏

烟樹重重水亂流馬嘶殘雨晚程秋門前便是仙山路目送歸鴻不得游

望天門山

唐李白

天門中斷楚江開碧水東流至北迴兩岸青山相對出孤帆一片日邊來

送齊山人歸長白山

唐韓翃

舊事仙人白兔公棹頭歸去又乘風柴門流水依然在一路寒山萬木中

宿石邑山中

浮雲不共此山齊山靄蒼蒼望轉迷曉月暫飛千樹裏秋河隔在數峰西

高景山夜歸

宋范成大

伊軋籃輿草露間夜涼月暗走孱顏忽逢陂水明如鏡照見沉沉倒影山

詩選

卷二 山部

龍北書局印行

蚤發定山

梁沈約

夙齡愛遠壑晚蒞見奇山標峰綵虹外置嶺白雲間傾壁忽斜豎絕頂復孤圓歸海流漫漫出浦水濺濺野棠開未落山櫻發欲然忘歸屬蘭杜懷祿寄芳荃眷言採三秀徘徊望九仙

經麻姑山

唐劉滄

麻姑此地鍊神丹寂寞烟霞古竈殘一自仙娥歸碧落幾年春雨洗紅蘭帆飛震澤秋江遠雨過陵陽晚樹寒山嶺白雲千萬片時聞鸞鶴下仙壇

天平山中

明楊基

細雨茸茸濕棟花南風樹樹熟枇杷徐行不記山深淺一路鶯啼送到家

虎邱詠

明黃省會

芙蓉近倚闌闌城眺闌觴樓逐勢成珠寺翻為歌舞地青山盡是綺羅情巖花吐雪紅粧麗谷鳥啼兼鳳管聲十里垂楊芳草岸四時常映綵舟行

巫山高

唐李端

巫山十二峰皆在碧虛中迴合雲藏日霏微雨帶風猿聲寒過水樹色暮連空愁向高唐宿清秋見楚宮

峽中

唐盧象

高唐幾百里樹色接陽臺晚見江山霽宵聞風雨來雲從三峽起天向數峰開靈境信難見輕舟那可回

蚤發天台中巖寺度關嶺次天姥岑

唐許渾

來往天台天姥間欲求真訣駐衰顏星河半落巖前寺雲霧初開嶺上關丹臺樹多風浩浩碧溪苔淺水潺潺可知劉阮逢人處行盡深山又是山

登石門最高頂

宋謝靈運

晨策尋絕壁夕息在山棲疎峰抗高館對嶺臨回溪長林羅戶庭積石擁階基連巖覺路塞密竹使逕迷來人忘新術去子感故蹊活活夕流駛數數夜猿啼沉冥豈別理守道自不搗心契九秋幹目玩三春蕙居常以待終處順故安排惜無同懷客共登青雲梯

中峰

宋林逋

中峰一徑分盤折上幽雲夕照前邛見秋濤隔嶺聞長松含古翠仙藥動微薰自愛蘇門嘯懷賢事不羣

雲際中峰

唐李端

自得中峯住深林亦閉關經秋無客到入夜有僧還暗澗泉聲小荒岡樹影閒高亭不可

望星月滿空山

度大庾嶺

唐宋之間

度嶺方辭國停輶一望家魂隨西翥鳥淚盡北枝花山雨初含霽江雲欲變霞但令歸有日不敢怨長沙

登嶺望

唐許鼎

森森三江水悠悠五嶺關雁飛猶不度人去若為還

西巖

宋余靖

萬壑千巖闢物華揜却閑訪道生涯一壇星斗脩真館數里雲霞劇藥家魚戲竹谿寒影碎路穿松塢翠陰斜桃源自有神仙宅未信明河八月槎

夏日登鶴巖

唐戴叔倫

天風吹我上層岡露灑長松六月涼願借老僧雙白鶴碧雲深處共翱翔

題合谿乾洞

唐于鵠

渡水傍山尋絕壁白雲飛處洞天開仙人來往行無跡石逕春風長綠苔

駱谷晚望

唐韓琬

秦川如畫滑如絲去國懷家一望時公子王孫莫來好嶺花多是斷腸枝

登江中孤嶼

唐謝靈運

江南倦歷覽江北曠周旋懷新道轉迫尋異景不延亂流趨正絕孤嶼媚中川雲日相輝映空水共澄鮮表靈物莫賞蘊真誰為傳相像崑山志緬邈區中緣始信安期術得養生年

假山

唐杜甫

一簣功盈尺三峰意出羣望中疑在野幽處欲生雲慈竹春陰覆香爐曉勢分淮南將獻壽佳氣日氤氳

又七祖院

唐鄭谷

小巧功成雨鮮斑軒車日日扣松關峨嵋咫尺無人去却向僧窗看假山

和人假山

宋蘇軾

上黨撓天碧玉環絕河千里抱商顏試觀烟雨三峰外都在靈仙一掌間造物何如童子戲寫真聊發使君閒何當挈取西征去畫作圍牀六曲山

太湖石

唐白居易

烟翠三秋色波濤萬古痕削成青玉片截斷碧雲根風氣通巖穴苔文護洞門三峰具體小應是華山孫

咏物詩選

卷二 山部

進北書局印行

省試昆明池織女石

唐童漢卿

一片昆明石千秋織女名象星何皎皎臨水更盈盈苔掩澗裙色波為促杼聲岸雲連鬢濕沙月對眉生有臉蓮同笑無心鳥不驚還如朝鏡裏形影自分明

望夫石

唐李白

彷彿古容儀含愁帶曙輝露如今日淚苔似昔年衣有恨同湘女無言類楚妃寂然芳靄內猶若待夫歸

西施石

唐樓穎

西施昔日浣紗津石上青苔思殺人一去姑蘇不復返岸傍桃李為誰春

醒酒石

元謝宗可

子孫猶自問監軍醒藉千年跡已陳蒼骨冷侵酣枕夢苔痕清逼醉鄉春西風別墅啼山鬼落日朱崖泣海神牛李相傾果何得太湖甲乙更誰人

石灰

明于謙

千鈞萬擊出深山烈火焚燒若等閒粉骨碎身全不顧要留清白在人間

[General Information]

书名=历代咏物诗选 （第二卷）

作者=俞琰

页数=10

SS号=11377726

DX号=

出版日期=

出版社=进化书局

封面

目录

卷第二

地部

城(唐 李峤)

长城(唐 汪遵)

洛阳城(唐 许浑)

城上(唐 杜甫)

登杭州城(唐 郑谷)

出郭(唐 杜甫)

市(唐 李峤)
天街(唐 秦韬玉)
道(唐 李峤)
洛阳道(唐 于邺)
长安道(明 商辂)
大道曲(晋 谢尚)
蜀道难(唐 张文琮)
穆陵路(唐 陈存)
西郊(唐 杜甫)
春郊(唐 钱起)